

香書類從

三百九十九

庫文閣内

美函 八六 和

大	内閣文庫
番號	和 18690
冊數	666 (499)
函號	215 3

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



... 拾枚係已 ...  
... 存焉 ...  
... 及是引 ...  
... 所 ...  
... 地 ...  
... 幸 ...  
... 親 ...  
... 合 ...

羣書類從卷第三百九十九

漢書類從卷第三百九十九

檢校保己一集

合戰部三十一

親房卿被贈結城狀 稱関城書



去年六月凶徒師冬等襲來之後勦力事自非持其境者依無異途連々飛羽檄之上自他形勢推察更無

所貽款最前依被申領狀諸人暫雖待救兵之到繚及延引經五箇月之間剩治久以下頓者忽以變所存屬凶徒訖移當城以來分域弥縮士卒已減艱難之甚不言而可知空歷九箇月未見一人之戮力周

章之至無敢物取喻焉當時迹境之中御方城廓總  
六兮所也先此閉城者宗祐一身日夜馳走至今可  
謂堅確也至自餘之族者反覆之情極以叵測凶徒  
專依圍當城船路陸地共斷絕於白晝者更無往來  
之人臨暗夜適雖有一兩之出入殆希有之儀也依  
之面々失膽略或放却乘馬或交易甲冑如此之類  
縱雖欲全忠節果而無炊骨易子之窘乎下妻城者  
本自人情不十揆正員者尚幼稚扶翼者互爭權隨  
而浮說不休私鬪亂可出來之躰也宗良竹園卿座大將  
顯持朝臣經廻之間聊加斟酌許欵此外中郡城者

顯持朝臣手勢等也其勢不足恃兵糧亦無蓄真壁  
城者法超一人雖存忠義一族郎從皆以有內通之  
聞西明寺城者本自遼遠殆不及音聞然者件五兮  
所之城危如燕之巢幕上伊依城者行朝々臣忠心  
不撓欵之間當時隨分不危之城也然而関下妻兩  
城難儀令至極者以一所不可相支者也抑勦力間  
事其境計略之分大概推察之後者不及盡詞依無  
勢斟酌之条誠又非無其謂所詮於時節者可在東  
與之勢發向之期乎凶徒未去国府合戰之習機宜  
叵測犹送日月者此境官軍悉如向枯魚之肆欵雖

導江海之流其有何益焉發向之段猶不容易者出  
士卒於國境可被示形勢欵之由自去年再三雖慙  
請猶以不事行之間御方所存逐日令退屈者也贈  
一位在國之時愚身上浴之後就尊氏叛逆之風聞  
不日上道遂成大義畢彼時當參不幾之也凌數千  
里之險難早達先途是志之功也第二之度退國府  
入吳山處々相塞人々兩端然而志之所之押平海  
道莅于幾內畢至其身之夭亡者非士卒之敗北天  
運之令然也同時戰死之族亦以不幾雖怨其身之  
不幸忠孝之道者可謂無遺恨也然乃以彼時思今日

真實被存其志殘置守城之勢被發向者伊達以西  
官軍蓋無同心志之功與不功也殆見近日之躰事  
之火急甚於赴湯鑊至老身者一瞬之間全忠義欲  
以餘命報先皇計也大義之成否不必係心府運命  
云極者失一命之外無他事更不可為遺恨倩思此  
理且難知暮殆依難期後信聊所攄蓄懷也鳥之將  
死其鳴悲人之將死其言善云云我國者天祖經始  
之地日神統領之州也聖々相承授受不忒且依禪  
讓且皈正理所經九十余代一百七十餘万載也縱  
雖及末世不可有違越日神誓約可暨無窮故也依

之上自神代之古下及人皇之今欲傾國家者不久滅也欲圖逆節者必絕種類世之所知誰敢疑之而今高氏等何者哉罪惡之甚先代未聞盜掘中原已經七十年何其多幸也但承平將門六年而亡永承貞任十二年而潰先蹤聊有之時節之未到欽倩見和漢之風成大奸者雖終取敗已有過人之智力暫保首領也今尊氏等為<sup>テタタ</sup>蘇非可知政道之器無可貽子孫之謀家僕師直假虎威陵轍重代之武士彼等一族誇張已比擬高時等行事九重代輩皆是王民也保元平治以來屬源平之家各為陪臣不屬皇家

之烈承久以來剝拘義時泰時等指麾及百十三年然而彼義時泰時等隨念存公儀不忽諸朝憲撫育傍倫似辨政術依之相續累其世兵權被天下畢有心之輩見先祖之譜系者可不心耻哉幸遇一統之聖運匪啻失本所帶直承綸言恣給官祿誠是遭遇之時節誰敢他之而或為遁一旦之害或為全所帶之利與同于高氏逆節剩頂戴師直等何面目見先祖於地下遂乃屈節忘名之輩為數度之降人弓箭之耻何事如之而更無面耻之色可謂文武之道掃地而尽也就中承平逆亂之時先祖秀鄉朝臣立勲

功先兼任下野武藏國宰後補鎮守將軍已來代々  
異他之一流也於清盛賴朝等事者起自勅命管領  
武門之上雖不能左右謂彼等先祖者有何用捨多  
年附屬定非本意欵適復旧儀可興家業之所重背  
皇家與同逆徒先祖若有灵者豈不加睚眦之怒乎  
爰故入道道忠上野从朝臣深存忠貞感悅一統之運付  
公私被表慤勤心中更不忘之足下父子為彼嫡流  
于今無違失親光朝臣死節其跡相續而致忠是併  
凶魂懇誠之所及積善之餘慶也此此於衆人者九  
牛之一毛論此於自門者百鳥之一鷄耳帶此名譽

抱此忠節遂無瑕類弥發光華豈不被廢幾乎惣可  
為辱後惡之大法則可謂昌先烈之孝道而如聞者  
近日游說之輩於所々各樹異義欵或云堅守城墉  
伺天下之形容不可必好挑戰高氏等誠有運命者一  
身立義何為臨時飯伏者不及失家之耻云或云  
坂東諸城縱雖令覆沒於奥州相支者又定送時日  
欵京都諸國之謳歌凶徒滅亡之兆稠疊隨事躰成  
大義者還可有巨益云或云興廢有時運命在天閑  
可見損益之際故贈一位等為全忠功雖令上道不  
達本意先鑒如此宜加思慮云如此之義於此境猶

以多々自可有被觸耳之途哉不辨大義不存遠慮  
族者厭即時進發之經營必可與同緩急之義勢也  
且又愚老年來隨分顛負之類猶以有向背之所存  
頻揚不可何況於踈遠之士卒乎至如此事者雖不  
足介意万一及大義之障導者可無公平事也當家  
出自皇族久立公門晨夕所習者朝廷之禮儀和漢  
之憲章也生於太平之俗不知亂世之風何況武家  
之故實鄙鄙之成敗万而不得一理諸人不受皆所  
自顧也殺此身不可塞其謗矣但為先朝之一老具  
蒙慇懃之顧命殆傍若無人於當代又有保護之勞

恐似一身之安否可被測御運之叡慮也依之諸方  
存忠之輩伺坂東奧州之形勢各擁義旗之時節忽  
失一命者万方可解休之條為之如何奧州一方暫  
雖守節義諸方凶徒一面攻之者適飯順之輩反覆  
無所疑矣將軍三位頭信中將赴任之後三々年未立一  
匡之功其身未練又無扶翼之輩於愚老失命者雖  
有其志更有何益然乃據今時之衆議者不異積薪  
於猛火之上暫安其座別有異圖者不足論之欲全  
貞節者爭無遠略貪餘命望戮力者上天罰之祖神  
捨我焉唯為天下發此狂言君子掄之耳凶徒已覆



滅聖運令一統者面々朝獎各々光華唇吻之所及  
縁底存等閑縦又不合衆望者退此一身有何遺恨  
各立大功宜决聖断也此等之條々深被加商量者  
雖存雖亡可無心底之鬱而已不宣

二月十五日

親房

*[Faint bleed-through text from the reverse side of the page]*

吉野清寧書案

百々のに於ては聖君乃世成おさる先賢臣の  
くふをあるく教を流ふおのじと己とすを  
民をやましくしと於をめぐむおのほろよ  
つれ理をく志り進み法傳せりし出神如  
乃ひりり成やうけふを於れ本誓言とせり  
とゆと成ふこ乃一軍か於をや我朝も  
神をさるる有りしこととらと成よとく正  
成中くして神代の是くくあり人の九十余代  
乃今ふを成て世道いさうけく教可哉

卷三百九十九

六